

Tusagassiuutilerineq C

1. Ilinniartitsissutip inissisimanagera

Tusagassiuutilerinermermi sammeneqarput assilissat aalasut, kusanartulerinermermut, attaveqartarnermut kulturimullu tunngasuni. Ilinniartitsissut assinut aalasunut atuagarsornermik-nalilersuinermik aamma sulinermik-tugassiuutilerinermik pullaveqarneq. Ilinniartitsissummi assit aalasut nalilersornissaannut ilinniartut pisariaqartunik sakkusaqartinneqalertarput, taamaalilluni paasisutissat sunniinerillu tugassiuutinik atuisut takusartakkatik misigisinnaaniassammatigit nalilersorlugillu. Ilinniartitsissumi aamma filmi tv-milu tusagassiuutilerinnermut atatillugu takutsiteriaatsit paasisaqarfigineqartarput, taamaalillutik tamatigit, nutaaliorlutik qisuariaateqartarlutillu tusagassiuutinik atuisunngussallutik.

2. Ilinniartitsissummi siunertat

Ilisimasat piginnaasallu

Ilinniartut suliaqarfimmi oqaatsit tunngaviusumillu taaguutit ilisimasaqarfigissavat atorsinnaallugillu, taamaalillutik pisuusaartitsinermermi piviusunillu takutsinermermi taakkulu ataatsimoortinneqartarneranni Kalaallit Nunaanni nunallu tamat akornanni tusagassiornerit tunngaviusumik nalilersorsinnaaniassammatigit, atuagassaqartilerlugit nalilerlugillu. Ilinniartut tassunga atatillugu ajornartorsiutit tusagassiuutit arlalipassuartigit uagutsinnut sunniisartut kingunerannik paasisaqassapput ajornartorsiutillu ilaatigit paasillugit.

Ikkagaqartarnermermi sulinermilu piginnaasat

Ilinniartut ilinniartitsissummi sulinerminni, tassunga ilanngullugit suliaqarfimmi teknikikut suleriaatsit atorlugit, assit aalasut atorlugit namminersorlutik assigiinngiaartumillu oqariatuuteqarsinnaassapput. Ilinniartut tassunga atatillugu ilaatigit ingerlaqqilluni ilinniagaqarnissaq eqqarsaatigalugu suliaqarfimmi nutaanik piginnaasaqalernissamut suliaqarfimmilu nutaanik ilisimasaqalernissamut tunuliaquteqassapput.

Inuttut inuillu akornanni attaveqaqatigiittarnermermi piginnaasat

Ilinniartut suliaqarfimmik tunngaveqarlutik inuit attaveqaqatigiittarneranni suliaqarfimmi piginnaasaqarlutik peqataasinnaassapput aammalu filmi tv-millu peqataallutik, nutaaliorlutik qisuariaateqartarlutillu atuisuussapput.

Kulturikkut inuiaqatigiillu akornanni piginnaasat

Ilinniartut tusagassiuutit ingerlatsinerannik inuiaqatigiinnilu pingaaruteqassusiannik ilisimasaqassapput, taamaaliornikkut Kalaallit Nunaanni inuiaqatigiinni ineriartornermermi namminersorlutik, peqataavillutik ilisimallugulu peqataanissamut tunngavissaqassallutik.

3. Ilikkagassatut anguniakkat imarisaalu

3.1 Ilikkagassatut anguniakkat

Ilinniartut uku piginnaalissavaat:

Atuagarsorneq nalilersuinerlu

- a) filmi tv-milu suliaqarnermik nalilersuinerlutit atatillugu filmiliornermi oqaatsini taaguutit atorsinnaassavaat,
- b) tunngaviusumik isiginnaagassiornermi periaatsit oqaluttuariaatsillu assigiinngitsut nassuiarsinnaassavaat,
- c) piviusut pisuusaartitalu ilisarnaatit nassuiarsinnaassavaat
- d) suliaqariaatsit takutitassiallu assigiinngitsut pingaarnerit paasisinnaassavaat
- e) filmimi tv-milu takusassiat atassuteqartissinnaassavaat.

Suleriaaseq

- f) immiussinermi aaqquissuinermilu atortut atorsinnaassavaat,
- g) suleqatigiiaarlutik tusagassiutini takutitassialiornerit pilersaarusiarsinnaassavaat ingerlassinnaallugillu,
- h) suleqatigiikkuutaarlutik tusagassiutinit takutitassiornerit pilersaarusiarsinnaassavaat ingerlatsisinnaassallutillu,
- i) takusassialormik suliaqarnermi ingerlaarnerit assigiinngitsut nassuiarsinnaassavaat,
- j) tusagassiutini takutitassialiornermi ingerlaffinnut atatillugu filmiliornermi taaguutit atorsinnaassavaat,
- k) oqariartuut imarisaanut anguniakkanullu naleqqussarsinnaassavaat,
- l) eqikkaalluni takussutissat aamma storyboardit suliarisinnaassavaat,
- m) pissanganartuliornermi periutsit tunngaviit atorsinnaassavaat aamma
- n) takusassiornerup ingerlanneqarnera namminerlu takusassiat nalilersuillutik isummerfigisinnaassavaat.

3.2 Ilinniartitsissutip imarisai pingaarnerit

Ilinniartitsissutip imarisai pingaarnerit ukuupput:

- a) filmiliornermi oqaatsini taaguutit,
- b) pissanganartuliornermi tunngaviusumik tunngaviit oqaluttuarnermilu pissutsit,
- c) piviusunik piviusuusaartitalu takusassialiornerit tunngaviusumik ilisarnaataat,

- d) suliaqariaatsit takusassiallu assigiinngitsut pingaarnertit
- e) takusassiornermik pilersaarusionerq, tassunga ilanngullugit eqikkaalluni takussutissionerq storyboardilu,
- f) immiussinermi tunngaviit aamma immiussinermi teknikki aamma
- g) aqqissuinermi tunngaviit aamma aqqissuinermi teknikki.

3.3 Illassutitut ilinniakkat

Ilinniartut taamaallaat pingaarnertut ilinniakkat atorlugit ilikkagassatigut anguniakkat angusinnaassanngilaat. Ilikkagassatut anguniakkat angusinnaaniarlugit illassutitut ilinniakkat pingaarnertut ilinniakkat atassuteqartilissavaat itisilerlugillu, suliaqarfimmilu paasisat annertusarlugit. Oqaluttuarisaanermi, kulturimi inuiaqatigiinni suliaqariaatsinilu pissutsit ilinniaritsinermut ilanngunneqassapput.

4. Aqqissuussineq

4.1 Ilinniartitseriaatsimi periutsit

- a) Ilinniartitsinerne ilinniartut ilinniakkani qaffasissusiat ilisimasaallu aallaavigneqassapput.
- b) Ilinniartitsineq imatut aqqissuunneqassaaq ilinniartitsisut ilinniartullu akornani ilikkagaqartarnermi oqaloqatigiittarnerattut sapinngisamik isikkulerlugu.
- c) Ilinniartitsineq imatut aqqissuunneqassaaq ilinniartitseriaatsit assigiinngitsut paarlakaajaanneqassallutik.
- d) Ilinniartitsineq imatut aqqissuunneqassaaq ilinniartut soqutigisaat pisariaqartitaallu isiginiarneqassallutik, taamaalilluni ilinniartut ilinniartitsissutip pissanganartuuneranik, naleqquttuuneranik soqutiginaruuneranillu misigisaqarnissamut periarfissinneqassallutik.
- e) Ilinniartitsineq imatut aqqissuunneqassaaq ilinniagaqarnerup ingerlanneqarnerani sammisanilu ineriartortitsinerne ilinniartitsissut siuariarfiussalluni, tassa ilinniartitsissummi oqaatsit oqariartaatsillu ineriartorfiussallutik, taamaalilluni ilinniartut namminneerlutik suleriaaseqarnissamik ajornakusoortunillu eqqarsartarnissamut piffissap ingerlanerani sungiusarneqassallutik.
- f) ilinniartitsineq imatut aqqissuunneqassaaq inuiaqatigiinnut avatangiiserisanut annertunerpaamik attuumassuteqalersillugu.

Tusagassiuutilerinerne ilinniartitseriaatsini pingaarutilimmik tunngaviuvoq, teoriinik- misissueqqissaarluni ilinniartitsinerup tigussaasunik-pilersitsiffiusunik ilinniartitsinerne akuutinnissaa. Pingaartinneqarpoq ilinniartitsissutip sammisaasa imminnut atatigiissutut misigineqarnissaat. Teoriinik-misissueqqissaarluni ilinniartitsinerne ilinniartitsissummi oqariaatsit paasinneriaatsillu pilersitsinerne/tunisassiornerne

atorneqartartut ilaatinneqassapput. Tamatumunnga atatillugu tigussaasutigut misilittagaqalertoqassaaq, misissueqqissaarluni sulinermt nuunneqarsinnaasunik.

Ilinniartitsissumik ilinniartitseriaatsiniippoq assersuutit malinnaanerillu atorlugit paasiniaanerit aamma teoriinit nalinginnaasuniit inerniliineeriaatsit paarlakaallugit atorneqartarnerat, taamaalillunilu ilinniartitsinermit teoriit-misissueqqissaarnerit tunngavigalugit sulineq aamma tigussaasumik-pilersitsiffiusumik sulineq naligiimmik agguanneqassallutik.

4.2 Suleriaatsit

Kalaallit Nunaanni tusagassiuutinik suliaqarfik nunarsuaq avatangiiserisaq suleqatigalugu kalaallit kulturiannik aallaaveqarpoq. Tamanna isumaqarpoq ilinniartut ilinniartitsissut aqqutigalugu Kalaallit Nunaanni inuiaqatigiinni sanimut nunami namminermit inuiaqatigiinnik qummullu amullu nunani tamani inuiaqatigiinni suleqateqartuni tugassiuutini iliuuserisartakkat paasisaqarfigissagaat.

Ilinniartut nalilersuinermit, nutaaliormermit, attaveqatigiinnermit inuillu akornanni attaveqatigiitarnerni piginnaasaat ineriartortinniartugit ilinniartitseriaatsit assigiinngitsut atorneqarnerussapput tassa suliniutinik suleqatigiilluni suliaqarnermiit klassimi ilinniartitsinermt.

Atuagarsorluni-nalilersuilluni sulinermit filiminik tv-milu takusassianik takutsineq tunngavineqassapput. Aallartinnermit ilinniartitsisup ilitsersuineratigut ilinniartitsissummi taaguutinik suleriaatsinillu ilinniartut paasisimasaqartilerniarlugit issuaanerit aamma shot-to-shot-imik nalilersuinerit suliarineqassapput. Tamassuma kingorna isiginnaartitsinerit immikkoortui pisulluunnit ataasiakkaat qanimut nalilersorneqassapput, tassani ilinniartut nalilersuinermit peqataajartuaartinneqassallutik. Kingusinnerusukkut nalilersueriaatsit suleriaatsillu ajornakusoornerit ilinniartut nammineerlutik tapiissutaat pingaartillugit takusassiat ilivitsut suliarineqassapput.

Suliaqarluni sulinerit suleqatigiiaartitsilluni suliniutinillu suliaqarnerit ingerlanneqassapput, aammalu ilinniartitsisup ilitsersuineratigut takusassianik ajornanngitsunik naatsunik sungiusarnernik aallarniisoqassalluni. Tamassuma kingorna sungiusaatit takinerulaartut suliarineqassapput, tassani ilinniartut ingerlatsinerup ilaani annertuumi akisussaajartortinneqassallutik. Takusassiat nammineerluni suliaqartoqartalertassaaq, tassani ilinniartitsisoq ilitsuersuisuussalluni siunnersuisuussallunilu, tassani ilinniartut ataasiakkaat ilinniartitsissummi misilitsinnermit atugassamik takusassiamik suliaqassapput.

Ilinniartut assigiinngiarnerat, taakku ilikkariaasiat pisariaqartitaallu isiginiarneqassapput. Ilinniartut ilinniartitsissummi oqaatsinik siulliullugu oqaasillit aappaattullu oqaatsit isiginiarneqassapput.

IT ilinniartitsissummi qitiusumik inissisimavoq, suliaqarnermt atuagarsornermullu atatillugu. Atuagarsornermik-nalilersuinermit suliaqarnermit paasisutissanik suliaqarfimmi ilinniakkanik ujarlernermit, saqqummiinnermit ingerlatitseqqiinnermit IT atorneqassaaq. Takusassiassanik suliaqarnermit oqaasertanik suliaqarnermit takusassiassanik suliaqalinnginnermit paasisutissanik ujarlernermit aammalu takusassiat suliarereerneranni digitalimik aqqissuussinermit IT atorneqassaaq.

4.3 Ilinniartitsissummi oqaatsit

Ilinniartitsineq imatut aqqissuunneqassaaq ilinniartut ilinniartitsissumi oqaatsinik aammalu ilinniartitsissummi oqariaatsinik paasinnittarnerat atuisarnerallu aqqissuussamik ineriartortinneqarluni. Ilinniartitsineq imatut aqqissuunneqassaaq ilinniartitsissutit siulianni oqaatsinik oqariaatsinillu ilinniartut piffissap ingerlanerani paasinnilluarsinnaatikkiartortillugit atuisinnaallu artikkiartortillugillu.

4.4 Ilinniartitsissutitut allanut atassuteqartitsineq

Taamaaliortoqarsinnaatillugu ilinniartitsissutit ilinniartitsissutillu immikkoortui allat suleqatigiissutiginneqassapput. Taamaaliornikkut ilinniartut tusagassiuutilerineramik ilinniartitsissummillu assigiinngitsorpassuarnik imalimmik paasinninnerat annertusarneqassaaq, taassani oqaluttuarisaanermi, kulturimi, inuiaqatigiinni kusarnartuliornermilu pissutsit ilanngunneqassallutik.

5. Nalilersuineq

5.1 Ingerlaavartumik nalilersuisarneq

Ilinniartut killiffiannik ilinniartitsinermillu ingerlaavartumik nalilersuinerimi ilikkagassatut siunertat tunngaviupput. Ilinniartut ataasiakkaat ilinniartitsissummi killiffimminnik ilisimatinneqartassapput.

Atuagarsorluni-nalilersuilluni ilinniarneq aamma ilinniartitseriaatsit suleriaatsillu ilinniakkanik ingerlatsinernut ataasiakkaanut naleqqussakkanik apeqqutinik akisilluni immersugassat, misilitsinnerit oqaloqatiginnerilluunniit atorneqassapput. Tamanna aqutigalugu ingerlaavartumik nalilersuineq ilinniartut ilinniartitsissummi ineriartornerminnik qisuariartittarnissaannut tapersiissaaq.

Takussutissanik suliaqarnerit tamarmik holdimut/klassimut tamarmiusumut takusassianik ataatsimut takutitsinermik naggaserneqartassapput. Tamassuma kingorna takusassiat nalilersorneqartassapput, taamaalilluni suleqatigiit ataasiakkaat ilinniartitsisorlu ataatsimoorlutik takusassianik tamarmiusunik nalilersuinerimi peqataassallutik. Aammattaaq suleqatigiit ataasiakkaat ilinniartitsisoq peqatigalugu namminneq takusassiornermik ingerlatsinerminnik nalilersuisassapput. Ilinniartitsissutit akornanni ingrerlatsinermi ataatsimut aqqissuinerimi nalilersuerialsimik toqqaaneq ilaavoq.

5.2 Misilitseriaatsit

Suleqatigiinnik oqaluttariarsorluni misitsittoqassaaq taannalu immikkoortunik marlunnik imaqarpoq tulleriillugit ingerlanneqartussat.

Immikkoortumi siullermi soraarummeertup tusagassiuutinut takusassiaa kingulleq, takuuk immikkoortoq 4.2, tunngavigineqassaaq, tassani soraarummeertup takusassiami immikkoortut pingarnerit nassuiassallugit oqallisigissallugillu, aammalu soraarummeertup takusassiaa pillugu soraarummeertup soraarummeertitsisullu akornanni itisiliilluni oqaloqatigiittoqassalluni.

Immikkoortup aappaa tassaavoq atuagarsornermi-nalilersuinermi ilikkagassatut anguniakkanik misilitsinneq, takuuk immikkoortoq 3.1, aammalu filmimik tv-milu takusassiamik issuakkamik siusinnerusukkut misissorsimanngisamik imalik suliassaq tunngaviussalluni. Issuagaq annerpaamik minutsinik arfineq marlunnik sivissuseqassaaq aammalu filmimut tv-milu tusagassiaq pillugu ilinniartitsinermi atuagarsornermik-nalilersuinermik immikkoortumi suliamut atassuteqassalluni. Issuagaq malitseqartinneqassaaq tunngavigisanik pisariaqartunik immaqalu najoqqutassiilluni apeqqutinik imaqassaaq.

Piffissaq piareersarfissaq tamarmi minutsit 30-t missaaniissaaq, piffissarlu soraarummeerfik soraarummeertumut ataatsimut minutsit 30-t missaanissalluni.

Imminut ilinniartittut

Imminnut ilinniartittut videomik takusassiaq aqqissugaq minutsinik 3-5 minutsinik sivissusilik tusagassiutini takusassiornermik soraarummeernermi aallaavittut saqqummiutissavaat. Soraarummeernerup taassuma misilitsinnermi immikkoortoq siulleq taarsissava. Misilitsinnermi immikkoortup appaani atuagarsornermi nalilersuinermilu atuagarsorluni ilinniakkat minnerpaamik pingasut oqaatigineqassapput. Filmit elektroniskingorlugulu tusagassiutit oqaatigisani ilaassapput. Atuagarsorluni ingerlatsimut tusagassiutinut takusassiap saniatigut oqaasertat minnerpaamik quppinnerit 100-nik annertussuseqartut saqqummiunneqassapput.

5.3 Nalilersuinermi tunngaviit

Nalilersuinermi soraarummeertup ilinniartitsissummi anguniakkanik qanoq annertutigisumik angusinera tunngavigalugu nalilersuisoqassaaq. Misilitsinerup immikkoortuani siullermi nalilersuinermi uku pingaartinneqassapput:

- a) soraarummeertup takusassiami immikkoortunik pingaarnernik nassuiaasinnaassusia,
- b) assitaasa nipaatalu ilusilersornerat,
- c) takusassiap siunertaata, imarisaata, isikkulersornerata anguniakkallu imminnut atanerat,
- d) filmimi oqaatsinik sunniutaasunik toqqaanermik tunngavilersuisinnaassuseq aamma
- e) nammineq takusassiamik takusassiamillu suliaqarnerminik nalilersuilluni-qisuariaateqarluni isummersinnaassuseq.

Misilitsinnerup aappaanik nalilersuinermi soraarummeertup ukunninga piginnaasai nalilersuinermi pingaartinneqassapput:

- a) soraarummeertup issuakkami suliassamiittumi immikkoortuni pingaarutilinnik saqqummiisinnaassusia
- b) filmimi oqaatsinik sunniutaasunik tunngavilersuineq,

- c) pissangartuliornermi ajornanngitsumi takutsitseriaatsimilu pissutsinik nassuiaaneq aamma
- d) issuakkamik ilinniarsimasanut atassuteqartitsineq.

Misilitsinnerup immikkoortuani siullermi aappaanilu ataatsimut nalilersuineq tunngavigalugu karakteriliisoqassaaq.